

Terry按

人生幾何？離闊如此

元稹生平：可见《旧唐书·元稹本传》着有《元氏长庆集》六十卷、《小集》十卷，其集与居易同名长庆，今编诗二十八卷。全唐诗/卷396至卷423、乐府诗集097卷、和王侍郎酬广宣上人观放榜後相贺

元稹生於大历十四年（779年－831年），字微之，河南府河南县（今河南省洛阳市）人，拓跋什翼犍第八子彭城王拓跋力真的後代，隋朝兵部尚书、益州总管长史、平昌郡公元岩六世孙。父元宽，母郑氏。早年和白居易共同提倡「新乐府」，和白居易并称「元白」，李肇《唐国史补》卷下：「元和以後……学浅切於白居易，学淫靡於元稹，俱名为元和体。」

擅长艳诗和悼亡诗，情真意挚颇感人，陈寅恪《元白诗笺证稿》说「实非寻常游戏之偶作，乃心仪浣花草堂之巨制，而为元和体之上乘，且可视为此类诗最佳之代表者也」。

元和六年（811年）为谋求仕进，依附藩镇严绶和监军宦官崔潭峻，为时论所鄙。元和十四年（819年）穆宗即位初大赦，崔潭峻推荐升为库部郎中兼「知制诰」，参与诏书草拟。长庆元年（821年）任中书舍人、翰林学士承旨，为朝臣轻视。一日中书省同僚一起食瓜，武儒衡一面挥扇驱蝇，一面斥叱：「适从何处来，而遽集於此！」

821年十月，裴度上表抨击稹出为工部侍郎。长庆二年（822年）和裴度同拜同平章事为宰相，後与李逢吉倾轧，出为同州刺史，改浙东观察使。大和三年（829年）为尚书左丞，又出为武昌军节度使，太和五年病逝於镇。赠尚书右仆射。

元配韦丛，韦夏卿女，年27岁病卒。元稹24岁时娶20岁的世家名门闺秀韦丛，31岁韦丛因病去世，元稹悲伤为亡妻写系列悼亡诗，其中「曾经沧海难为水，除却巫山不是云」被视为专情千古句。然同年邂逅薛涛（梓州，今四川三台县），元稹回长安後曾寄诗薛涛，一段风花雪月，两年後江陵府纳妾安仙嫔，三年後娶继室裴淑。

元曲《西厢记》最早也来自元稹传奇《会真记》（又名《莺莺传》），张生在「有僧舍曰普救寺」中，和「天之所命尤物」名「崔莺莺」邂逅，但「始乱之，终弃之」。後考证崔莺莺原型可能是其姨表妹，张生原型可能就是元稹或其表兄弟。

▲ 宋 李迪 雪树寒禽图 绢本（局部）

## 01

### 春蝉

我自东归日，厌苦春鸠声。  
作诗怜化工，不遣春蝉生。  
及来商山道，山深气不平。  
春秋两相似，虫豸百种鸣。  
风松不成韵，蜩螗沸如羹。  
岂无朝阳凤，羞於微物争。  
安得天上雨，奔浑河海倾。  
荡涤反时气，然後好晴明。

## 02

### 芳树

芳树已寥落，孤英尤可嘉。  
可怜团团叶，盖覆深深花。  
游蜂竞钻刺，斗雀亦纷拏。  
天生细碎物，不爱好光华。  
非无殄殢法，念尔有生涯。  
春雷一声发，惊燕亦惊蛇。  
清池养神蔡，已复长虾蟆。  
雨露贵平施，吾其春草芽。

## 03

### 与杨十二、李三早入永寿寺看牡丹

晓入白莲宫，琉璃花界净。  
开敷多喻草，凌乱被幽径。  
压砌锦地铺，当霞日轮映。  
蝶舞香暂飘，蜂牵蕊难正。  
笼处彩云合，露湛红珠莹。  
结叶影自交，摇风光不定。  
繁华有时节，安得保全盛。

色见尽浮荣，希君了真性。

## 04

### 分流水

古时愁别泪，滴作分流水。  
日夜东西流，分流几千里。  
通塞两不见，波澜各自起。  
与君相背飞，去去心如此。

## 05

### 送王十一南行

夏水漾天末，晚暘依岸村。  
风调乌尾劲，眷恋馀芳尊。  
解袂方瞬息，征帆已翩翻。  
江豚涌高浪，枫树摇去魂。  
远戍宗侣泊，暮烟洲渚昏。  
离心讵几许，骤若移寒温。  
此别信非久，胡为坐忧烦。  
我留石难转，君泛云无根。  
万里湖南月，三声山上猿。  
从兹耿幽梦，夜夜湘与沅。

## 06

### 解秋十首之八

春非我独春，秋非我独秋。  
岂念百草死，但念霜满头。  
头白古所同，胡为坐烦忧。  
茫茫百年内，处身良未休。

## 07

### 夜闲

感极都无梦，魂销转易惊。  
风帘半钩落，秋月满床明。  
怅望临阶坐，沉吟绕树行。  
孤琴在幽匣，时迸断弦声。

## 08

### 遣悲怀三首 其三

闲坐悲君亦自悲，百年都是几多时？  
邓攸无子寻知命，潘岳悼亡犹费词。  
同穴窅冥何所望？他生缘会更难期。  
惟将终夜长开眼，报答平生未展眉。

## 09

### 妻满月日相唁

十月辛勤一月悲，今朝相见泪淋漓。  
狂风落尽莫惆怅，犹胜因花压折枝。

## 10

### 太行路

太行之路能摧车，若比人心是坦途。  
巫峡之水能覆舟，若比人心是安流。  
人心好恶苦不常，好生毛羽恶成疮。  
与君结发未五载，忽从牛女为参商。  
古称色衰相弃背，当时美人犹怨悔，  
何况如今鸾镜中，妾颜未改君心改。  
为君薰衣裳，君闻兰麝不馨香。  
为君事容饰，君看金翠无颜色。

## 11

### 赋得雨後花

红芳怜静色，深与雨相宜。  
馀滴下纤蕊，残珠堕细枝。  
浣花江上思，啼粉镜中窥。  
念此低回久，风光幸一吹。

## 12

### 夜合

绮树满朝阳，融融有露光。  
雨多疑濯锦，风散似分妆。  
叶密烟蒙火，枝低绣拂墙。  
更怜当暑见，留咏日偏长。

## 13

### 湘南登临湘楼

高处望潇湘，花时万井香。  
雨馀怜日嫩，岁闰觉春长。  
霞刹分危榜，烟波透远光。  
情知楼上好，不是仲宣乡。

## 14

### 水上寄乐天

眼前明月水，先入汉江流。  
汉水流江海，西江过庾楼。  
庾楼今夜月，君岂在楼头。

万一楼头望，还应望我愁。

其他推荐：

江陵三梦、哭小女降真、酬友封话旧叙怀十二韵、月三十韵、缘路、别岭南熊判官、定僧、酬孝甫见赠十首、胡旋女(乐府诗集)

---